

**Talamdan
sa Mga Mensahe alang sa Full-time Training
sa Fall Term sa 2024**

**LINANGKOB NGA HISGOTANAN:
ANG MAHINUNG DANONG MGA PUNTO SA KAMATUORAN SA MGA SULAT NI PABLO—
GALACIA**

Mensahe 9

Pagkaanak—ang Sentrong Punto sa Pamatigayon sa Dios

Basahong Kasulatan: Efe. 1:3-6; Heb. 2:10-11; Isa. 43:7; Gal. 3:23-24; 4:4-7, 19

- I. Ang walay kataposang tumong sa Dios sa tuyo Niya segun sa gitinguha sa Iyang kasingkasing pagpakabaton mag daghang anak nga hiniusang magpadayag Niya; ang pagkaanak maoy sentrong punto sa pamatigayon sa Dios—Efe. 1:3-6; 3:11; Rom. 8:28-29; Juan 1:12-13; Bug. 21:7:**
- A. Ang pagpili sa katawhan sa Dios aron mabalaan sila alang man sa tuyo nga mahimo silang mga anak sa Dios, nga moambit sa diosnong pagkaanak; sa nilabayng eternidad “gipili ta [sa Dios Amahan]... aron mabalaan...ngadto sa pagkaanak”—Efe. 1:4-5.
 - B. Nagpasabot ang *balaan* nga dili lang mabalaan, maginahin ngadto sa Dios, kondili matalagsaon, maglahi, sa tanang kasagarang butang; ang Dios ray talagsaon, lahi, sa tanang butang; busa, balaan Siya, ug pagkabalaan ang kinaiya Niya.
 - C. Gihimong mga anak sa Dios ang mga pinili Niya pinaagi sa nagbalaang Espiritu Niya (Rom. 15:16; Gal. 4:6); mao nga ginganlan kini sa Efeso 1:3 og espirituhanong panalangin, ang panalangin pinaagi sa Espiritu:
 - 1. Nagpadayon pa ang pagbalaan ngadto sa pagkaanak; apan adlaw-adlaw, wala tingali ta magkinabuhi sa atong pagkaanak kay wala man ta magtagad sa nagbalaang Espiritu nga namulong ug nagbuhat diha sa atong espiritu—Rom. 15:16; 8:4; Efe. 5:26.
 - 2. Kat-onan gyod nato karon nga magkinabuhi pinaagi sa Espiritu, mag-alagad pinaagi sa Espiritu, magbuhat sumala sa Espiritu, ug hingpit gyong mapinaagi sa Espiritu, uban sa Espiritu, ug sumala sa Espiritu ang atong pagkatawo sa tibuok adlaw—Rom. 1:1, 9; 8:4; Fil. 3:3; Zac. 4:6.
 - 3. Unya kinahanglan motubo ta sa kinabuhi ni Cristo nga dunay hustong pagtil-og diha sa Espiritu; matil-ogan ta sa tulo ka paagi: sa pagbasa sa balaang Pulong, pagpaminaw sa espirituhanong pagpamulong, ug sa pagtambong sa mga tigom—Juan 8:31-32; Efe. 5:26; Bug. 2:7; Sal. 73:16-17, 22-26; 77:13.
 - D. Mabalaan ug mawalay apan ang mga pinili sa Dios sa Iyang atubangan ug gitudlo nang daan ngadto sa pagkaanak “diha sa gugma”—Efe. 1:4; itandi sa 3:17; 4:2, 15-16; 5:2; 6:24; Bug. 2:4:
 - 1. Ang gugma sa Efeso 1:4 nagpasabot sa gugma nga gihigugma sa Dios sa Iyang mga pinili ug gihigugma sa Iyang mga pinili Kaniya; ning gugmaha, sa ingon nianang gugmaha, mabalaan ug mawalay apan ang mga pinili sa Dios sa Iyang atubangan.
 - 2. Una, gihigugma ta sa Dios; unya gidasig ta ning diosnong gugma nga mobalos sa paghigugma Kaniya; nianang kahimtanga sa gugma, masuropan ta sa Dios aron mabalaan ug mawalay apan, sama gyod Niya—1 Juan 4:19; Sal. 31:23a; 116:1; Mar. 12:30.
- II. Gidala ni Cristo nga Kapitan sa kaluwasan ang daghang anak sa Dios ngadto sa himaya, ang hiniusang pagpadayag sa Dios, sa organicong pagluwas kanila pinaagi sa pagbalaan; ang pagbalaan mao ang “paghimong anak” sa Dios [kanato]—Heb. 2:10-11; Efe. 1:4-5; Rom. 5:10:**

- A. Niingon ang Mga Hebreohanon 2:10 nga dad-on sa Ginoo nga Kapitan sa kaluwasan sa Dios ang daghang anak ngadto sa himaya; unya naghigot ang versiculo 11 Kaniya nga nagbalaan ug sa mga gibalaan; nagpakita kini nga alang sa pagkaanak ang pagbalaan.
- B. Magdala kini nato nga mas hingpit pang makasabot sa Efeso 1:4-5; niingon ang versiculo 4 nga, “Aron mabalaan,” ug niingon ang versiculo 5 nga, “Ngadto sa pagkaanak”; ang *aron mabalaan... ngadto sa pagkaanak* nagpakita na sab nga alang sa pagkaanak ang pagbalaan.
- C. Ang diosnong pagbalaan alang sa diosnong pagkaanak mao ang sentro sa diosnong pamatigayon ug ang sentrong hunahuna sa pinadayag sa Bag-ong Tugon; nag-agad sa pagbalaan ang pagtuman sa Dios sa walay kataposang pamatigayon Niya—1 Tes. 5:23-24.
- D. Ang diosnong pagbalaan maoy nagkupot nga linya sa pagtuman sa diosnong pamatigayon sa diosnong pag-anak kanato, nga naghimo natong mga anak sa Dios aron masama ta sa Dios sa kinabuhi ug kinaiya (apan dili sa Iyang ranggo sa pagka-Dios), aron mahimo tang pagpadayag sa Dios; niingon ta nga ang pagbalaan maoy nagkupot nga linya kay ang tanang lakang sa pamatigayon sa Dios sa pagbuhat Niya uban nato pagbalaan man kanato:
 - 1. Ang nangitang pagbalaan, ang sinugdang pagbalaan, ngadto man sa paghinulsol aron madala tag balik sa Dios; ang paghinulsol ug pagtuo nato tungod man sa nangitang Espiritu, sa nagtuto nga Espiritu—1 Ped. 1:2; Luc. 15:8-10, 17-21; Juan 16:8-11.
 - 2. Ang nagtubos nga pagbalaan, ang pagbalaan sa posisyon, pinaagi man sa dugo ni Cristo aron mabalhin ta gikan ni Adam ngadto ni Cristo—Heb. 13:12.
 - 3. Ang nag-anak pag-usab nga pagbalaan, ang sinugdan sa pagbalaan sa taras, nagbag-o nato sugod sa atong espiritu aron himoon ta, ang mga makasasala, nga mga anak sa Dios aron mahimong organismo nga hiniusang magpadayag sa Dios, nga mao ang organicong Lawas ni Cristo, ang iglesia—2 Cor. 5:17; Juan 1:12-13; 3:5-6, 8; 1 Ped. 1:3; Tito 3:5.
 - 4. Ang nagbag-ong pagbalaan, ang pagpadayon sa pagbalaan sa taras, nagbag-o sa atong kalag sugod sa atong hunahuna ngadto sa tanang bahin sa atong kalag aron himoong bahin sa bag-ong kabuhatan sa Dios ang atong kalag—Rom. 12:2b; Efe. 4:23; 2 Cor. 4:16; Gal. 6:15.
 - 5. Ang nagtranspormang pagbalaan, ang adlaw-adlawng pagbalaan, metabolicong nag-umol nato pag-usab sa elemento ni Cristo aron himoon tang bag-ong inumol isip bahin sa organicong Lawas ni Cristo—1 Cor. 3:12; 2 Cor. 3:16-18; Rom. 12:1-2; Sal. 68:19.
 - 6. Ang nagpasama-sa-dagway nga pagbalaan, ang naghulmang pagbalaan, naghulma nato sa dagway sa mahimayaong Cristo aron himoon tang pagpadayag Niya—Rom. 8:29; Fil. 3:10.
 - 7. Ang naghimayang pagbalaan, ang naghingpit nga pagbalaan, nagtubos sa atong lawas sa pag-usab sa dagway niini aron himoon tang hingpit nga pagpadayag ni Cristo ug naa sa himaya aron hingpit ug bug-os tang mabalaan diha sa atong espiritu, kalag, ug lawas aron mahimong naghingpit nga panagtagik sa daghang anak sa Dios nga nahamtong na diha sa nahikay nga Tulo-usang Dios nga ilang kinabuhi aron magpadayag sila sa Dios ingon nga Bag-ong Jerusalem sa eternidad—v. 21; Rom. 8:23; 1 Tes. 5:23; Bug. 21:2-3, 7, 9-11, 22.

III. Ang balaodnong katubsanan ni Cristo magpagula nato gikan sa pagbaton sa kasugoan ngadto sa pagkaanak sa Dios aron makapahimulos ta sa organicong kaluwasan Niya, sa diosnong “paghimong anak” Niya; ang pagkaanak maoy tumong sa katubsanan ni Cristo—Gal. 4:4-7, 19; Rom. 5:10:

- A. “Gipadala [sa Dios] ang Iyang Anak” aron balaodnon tang matubos; “gipadala [sa Dios] ang Espiritu sa Iyang Anak” aron organico tang maluwas—Gal. 4:4, 6; 3:13-14:
 - 1. Gipadala sa Dios ang Iyang Anak, nga gipanganak diha sa kasugoan, aron magtubos sa piniling katawhan sa Dios gikan sa pagbaton sa kasugoan aron madawat nila ang pagkaanak ug mahimong mga anak sa Dios—vv. 23-24; 4:4-5.

2. Gipadala sa Dios ang Espiritu sa Iyang Anak, ang Espiritu sa kinabuhi (Rom. 8:2), aron ipaambit ang Iyang kinabuhi ug kinaiya nganhi nato aron mahimo tang mga anak Niya sa realidad—Gal. 4:6; 1 Juan 5:11-12; 2 Ped. 1:4.
 3. Ang Espiritu sa Anak laing porma sa Anak; sa pagkamatay sa Anak didto sa krus, Siya si Cristo, ug sa pagsulod Niya kanato, Siya ang Espiritu, nga mao ang pagkausab sa dagway sa Anak—Juan 1:14; 1 Cor. 15:45b.
- B. “Kay mga anak man mo, gipadala sa Dios ang Espiritu sa Iyang Anak nganhi sa atong kasingkasing, nga motuaw og, Abba, Amahan!”—Gal. 4:6:
1. Aramaic nga pulong ang *Abba*, ug hubad sa Griyegong pulong *Pater* ang “Amahan”; ang pagtapo sa Aramaic nga ngalan sa Griyegong ngalan nagpadayag og mas kusganong pagbati inigtuaw nato sa Amahan, nga nagpasabot sa suod nga relasyon sa kinabuhi sa tinuod nga anak ug sa amahang nanganak—Mar. 14:36; Heb. 5:7; Lam. 3:55-56; itandi sa Luc. 15:18, 20-24.
 2. Gipadala ang Espiritu sa Anak sa Dios nganhi sa atong kasingkasing; sa pagkatinuod, nisulod ang Espiritu sa Dios sa atong espiritu sa dihang gipanganak ta pagusab (Juan 3:6; Rom. 8:16) kay natago man sa atong kasingkasing ang atong espiritu (1 Ped. 3:4).
 3. Sa usa ka bahin, kita nga nakadawat sa espiritu sa pagkaanak nituaw ning espirituha og, “Abba, Amahan!” (Rom. 8:15); sa laing bahin, nituaw ang Espiritu sa Anak sa Dios sa atong kasingkasing og, “Abba, Amahan!” (Gal. 4:6).
 4. Nagpakita kini nga nasagol ang gipanganak pagusab nga espiritu nato ug ang Espiritu sa Dios (1 Cor. 6:17), ug naa sa atong kasingkasing ang atong espiritu.
 5. Nagpakita sab kini nga maamgohan nato ang pagkaanak sa Dios pinaagi sa subjectibong pag-sinati nato sa kahiladman sa atong pagkatawo—itandi sa Mat. 5:3, 8.
 6. Labi tang motuaw og, “Abba, Amahan,” diha sa espiritu, magkalalom ang tam-is ug suod nga pagbati sa atong kasingkasing sa relasyon nato sa atong Amahan.
 7. Motuaw ngani tag, “Abba, Amahan,” mosaksi ang Espiritu mismo uban sa atong espiritu nga mga bata ta sa Dios, nga nakabaton sa Iyang kinabuhi; naglimiti ug nagpugong sab nato kanang pag-saksiha sa pagkinabuhi ug paggawi nga uyon sa Iyang kinabuhi, nga angay sa pagkaanak nato sa Dios—Rom. 8:15-16.

IV. Nagbati sa pagpanganak si Pablo aron mahulma si Cristo sulod sa mga magtutuo aron hingpit silang mahimong anak; ang pagkahulma ni Cristo sa sulod nato pagpuli man Niya sa kaugalingon ug sa kalibotan nga naa sa atong hunahuna, pagbati, ug pagbuot aron magpadayag ta Niya—Gal. 4:19:

- A. Ang pagkahulma ni Cristo sa sulod nato pagkasama man nato sa dagway ni Cristo; ang pagkasama nato sa Iyang dagway pagkahamtong man nato sa diosnong kinabuhi nga pinaagi niini hingpit tang makaambit sa pagkadios sa Dios ug matibuok o malig-on sa pagpanag-iya sa diosnong elemento—Rom. 8:9.
- B. Ang pagkahulma ni Cristo sa sulod nato aron man matukod ang Lawas ni Cristo nga maghingpit sa Bag-ong Jerusalem nga kinatibuk-an sa diosnong pagkaanak aron hiniusang mapadayag ang Tulo-usang Dios—Heb. 2:10; Bug. 21:7, 10-11; Isa. 43:7.